

「咸淳」

臨安志

十三

咸淳臨安志卷之二十六

山川五

於潛縣

天目山

按大藏洞淵集第三十四洞天天目山有兩目左目高三千丈右目高二千五百丈洞周回一百里名太微元蓋洞天又太平寰宇記山高三千九百丈廣五百五十里水因山曲折東西有巨源若目然故曰天目東出臨安為大溪益東流而為茗水西趨於潛為紫溪合桐廬水以匯于浙江又水經於潛縣北天目山山極高峻東面瀑布下注成沼名蛟龍池池水入西溪合于浙江近世道士唐子霞謂圖經天目山一名浮玉山上有兩池謂之左右目一峯在東號東天目在臨安縣界今西尖峯在縣北四十五里連亘四州

杭宣湖徽

周回二千里上

有養生之藥著草元華皆名著仙經郭璞詩云天目山垂兩乳長龍飛鳳舞到錢塘誠一方之巨鎮也山有銘勒石在龍池東銘曰列岳霞上標峯霧裏翠滴煙巒名不可紀

翔鳳林



在天目之東北峯高峻類天柱廬阜上有平地
一千五百丈中兩湖乃天目也湖有魚不可捕
昔人見龍散子其中水分流下注東通蘇湖南
迤杭睦西派宣城北泝安吉上有古木參天鬱
然又有龍鬚草覆地逕險林叢人迹罕到

龍穴

在至道宮殿西架盡梁之側其大逾寸穴外回
環之狀徑二寸許若有物盤御名而成欲雨則雲
氣出焉

雷神宅

在西尖半山間東坡記唐道人言俯視雷雨每
大雷電但聞雲中作嬰兒聲殊不聞雷震也有詩見後

雲封庵

在山之西北即許真君舊隱外極平敞俯視羣
山高下奔軼若萬馬然常有雲鎖牕扉故號雲
封庵

仙壇

在雲封庵之北相去十餘丈即許真君禮斗之
所故基猶存

仙樂

西峯絕頂人迹罕至隱者嘗於風清月白之夜
聞雲外笙簫聲又云每陰霾欲舒或久晴將雨
至夜先聞空中絲竹具舉越旦或在峯尖或響
巖谷鄉民樵者聽以爲候

許邁宮

在西尖下乃修真之邃宇也餘址尚存居民至
今呼爲道士邁

徐仙姑石庵

在山之北與深坑相鄰形若道家輪藏中有石
柱至地四面環空及垂石如榻可設卧具古記
云仙姑即徐仙之妹於此成道冲雲而昇

張公舍

在山南峭壁間闊五丈門高二百餘丈卽漢天
師隱室旁有張公小舍相去半里一名天師外
室登者捫蘿而入可坐數人

石城

在西尖西南岸章村之鄰境高數丈南北五十
餘丈其外可履內深窈不可入若城之大小塹
玉桃古記云昔人捕獵阻雨於石城之外見林
間有白桃一顆摘入手如冰忽又變紅其熱如

湯遂採木葉包之藏於布囊下山捫之猶在及至家已失唯木葉存

石門

有二在半峯嶺東西向各一高二十餘丈小者百尺自張公舍眺之四扉對峙一山之絕致也古記云西崦落暉未張於錦繪東烏炎彩先布於鸞旆世傳唐元宗有詩云雙扉起巖石塵客過應稀千古掩不得從教雲夜歸

石屋

有二與張公舍不遠常有陰雲怪風生於白晝

咸淳臨安志卷二六
俗謂徐五二仙修煉之所

石倉

有二在西尖之西坎衆山鱗疊之間若倉廩然

石鼓

在西嶺外塢南下磴道盤折狀如鼓形周可丈餘擊之有聲

石柱

有二在西尖北塢一長一丈一長二丈堅削平直宛如斲成卧草莽間擊之其聲清越

石板

近山西北皆有之長短小大不可數計皆平淨如砥古記云秦皇驅鬼兵斲之有全解在地者有解未盡者有倒解者今鋸痕線道猶存其解至一半者用石砧架定信非人力所能及好事者欲挈而下輒有風雨蛇虺之變以故人莫敢動

新郎新婦石

新郎石在西峯半山之中道面東昂立勢高五丈天然人形與東峯新婦石相望 嘉祐中新婦石爲雷震碎今新郎石獨存

望江石

在雲封庵之右隴軒然特立小望江石在半山之西隅高約百丈下銳上豐湏編梯級乃可登遙望浙江如一線許海門日上紅光曜日

鐘樓石

在半山岡高數丈望之凝煙聚黛四敞如樓絕類羅浮山之境

圍碁石

在西尖之北圓廣數尺平坦潤滑不生苔蘚古老云昔有仙人對弈於此

芝草巖

在西尖之西昔有採藥者見其上有芝草一本五色皆具接長竿採之色遂沒後數日仍在左右復出二本皆翠色遂不敢採至今隱顯不常時有遇者因以名其巖

響水巖

在中子山重峯之內中有一港登者聞下有水聲泠泠不絕

石巷

與張公舍相去二百餘步四圍聳拔石罅一徑

深三十餘丈藤木交陰森然可畏

石庵

在西尖之頂至為高絕上覆巨石一片非人力能舉遊者立石遐覽則心神悅暢縣經云秦皇指陰兵壘就又小石庵在西尖之東北側石累成止可一人隱几而坐或云徐仙夜誦洞經咽味元真之處

斷壠

在西尖之西南古記云秦皇所鑿後人因以名之至今宛有刀斧痕

洪氏可庵山石

在天目西麓為紫薇巖俗呼為紫草巖寶福寺

在右可庵在左石皆玲瓏奇狀不一詳見後

洪忠文公山房

在寶福寺詳見後

記文洪氏可庵

俞侍郎烈記曰臨安天目山之西麓有逸民洪載字彥積自號耐翁

以力農起衣食厓厓給愛泉石若嗜欲相收紫薇巖之左得佳山峭壁稜層圭角冒土欲出荔蘚碧潤班班呈露翁放杖太息曰是必有異呼奴具畚耒厲斤斧剪薙榛翳輦除土礫則峯巒效奇直如立筍平若截肪岑銳巘疊爭見姿態既有端緒則銳意欲成之湊歲儉飢鳩旁近村民用一錢移擔土以漫治凹下灌樹蔽翳既芟除之泉脉欲流復釀導之則平衍清深嵌巖宛曲各有奇狀於是名

其石之翼然欲升者曰飛雲峭然凝峙者曰玉筍窈然清深命曰藥洞呀然深壑名曰經龕山有峭立石壁而有形巒巒蹲負其下者曰金鼇泉眼流珠濺沫不為早潦增損命曰靈泉闢微徑上飛雲頂築亭其巔名曰盤雲取樂天牛氏石記盤坳秀出如靈丘鮮雲之意巖石之下小築數椽扁曰可庵翁燕遊藏息之地也庵之東數步曰長春塢西瞰清池曰含暉徑直前依山植桃數十百株方春

和時霞錦燦爛名曰小桃源稍西則為歸藏之塋始翁得此地神怡意適謂是已足吾心計當生死此中坐而對石則眼恍然明困而支石則意洒然醒客或扣門管領登山擊鮮醉醲必極其酣適然後已聞客譽石之辭則喜津津見顏面每疑其嗜好之異其中必有自得而人不能言者昔白樂天謂石無聲無文無臭無味而奇章公待之如賓友親之如賢哲重之如寶玉意其趨嚮之偏亦如人之嗜好鹹酸非澹適和平之正王涯別墅有流泉佳木而重墻複壁顧不能庇書畫卒赤其宗嗜尤禍而錮之其近禍乃如此獨翁清不近名錮不近禍今亡矣竟葬其下其道幾轉物能與此石俱存

亡者歟請吾廬請記不已者翁之孫咨夔以儒學

登第且試學官中其科今分教饒學與余交好遂

為之紀其顛末如此 **洪忠文公山房** 魏文靖公記曰 寶慶

功郎言事罷歸於潛讀書天目山下寶福僧寺

靚深舜俞合新故書得萬有三千卷藏之聞復閣

下如李氏廬山故事而移書于靖屬余記之余少

誦蘇文忠公山房記謂秦漢以來作者益眾書益

多學者益以苟簡又謂近歲市人轉相摹刻書日

傳萬紙而士皆束書不觀游談無根嗚呼斯言也

所以開警後學不為不切至矣而士之病今未之

有瘳也無亦聖遠言湮愈傳而愈失時異事改愈

變而愈下學士大夫讀之而不知其味行之而不

見其端則亦舍之云耳且古之學者始乎禮樂射

御書數蓋比物知類求仁入德皆本諸此今禮慝

樂淫射御數有其名無其義六書之法惟小篆僅

存而莫知好之為士者十名九舛不暇問也五三

六經之所傳如仁義中誠性命天道鬼神變化此

致知格物之要也今往往善柔為仁果敢為義依

違以為中鈍魯以為誠氣質以為性六物以為命

化講也甚則以為天道也冥漢以為為鬼神也有無以為變

為權以捷給為才以譎詐為術聖賢之言炳如日

星而師異指殊其流弊乃爾若夫先王之制又在

所當講而風氣既降名稱亦訛有一事而數說一

而丘乘卒伍之不合則參以管仲穰苴之法封建

經國之大務也而百里五百里之不合則託諸歷

代之異制寘興之法自遂以降自王畿以外無文

則約諸鄉遂之數郊丘禘禘裕大事也或以郊丘為

二或以禘禘為一廟學明堂先務也或以為異所

而殊制或以為一廟而八名七世之廟常典也而

殷六廟周二禘或親盡而毀或宗無常數莫知折

衷三年之喪達禮也而有謂君大夫士廬服異等

又有謂君卒哭而除皆莫敢以為非大抵始去籍

于周末大壞于秦缺望于漢而盡覆于五胡之亂

二千年間憑私臆決罔聞于行帝號官儀承秦舛

矣郊禘廟室踵漢誤矣衣冠樂律雜胡制矣學校

養不實之士科舉取投牒之人資格用自陳之吏

刺平人以為軍而聽其坐食鬻農夫以規利而縱

刺平人以為軍而聽其坐食鬻農夫以規利而縱

刺平人以為軍而聽其坐食鬻農夫以規利而縱

刺平人以為軍而聽其坐食鬻農夫以規利而縱

刺平人以為軍而聽其坐食鬻農夫以規利而縱

刺平人以為軍而聽其坐食鬻農夫以規利而縱

刺平人以為軍而聽其坐食鬻農夫以規利而縱

刺平人以為軍而聽其坐食鬻農夫以規利而縱

刺平人以為軍而聽其坐食鬻農夫以規利而縱

其自奉授田無限而豪奪武斷以相尚也出泉輸
租而重科覆折以相蒙也嗚呼生斯世也為斯民
也而讀聖賢之書以求帝王之法使其心曉然見
之且無所於用也况衆言殺亂始以春秋戰國之
壞制衰以秦漢晉魏之雜儀終以鄭王諸儒之臆
說學者之耳目肺腸為其所搖惑而不得以自信
於是根本不立而異端得以乘之利祿得以移之
文詞得以溺之則有口道六經而心是佛老篤信
而實踐者矣則有六經之心是聖學而輯為文詞
就功名者矣六經之書孔孟未及行也今二千年
矣而猶莫之行也余長而有聞晚益多懼舜俞以
藏書屬記願以所懼者相與切磋究之嗚呼其亦
過矣乎為

題詠天目山

平齋洪公招隱三首雲氣斂兮天目
之顛濤江綫橫兮海門濺濺扶桑子

半兮陽鳥翮可俯而掬兮燕以天井無聲之泉子
其隱乎吾與子兮拾荃雲氣冒兮天目之趾疊
湫歎薄兮洞石齒齒列缺正晝兮睡蛟起可仰而
擾兮浴以天河倒流之水子其隱乎吾與子兮采

咸江臨安志卷二十六

九

德

芷雲氣吐兮天目之巖乳潭沉沉兮鵝潭煜煜
徐伍朝往而暮來兮雙碧鹿可挽而舞兮侑以天

風步虛之曲子其隱
乎吾與子兮蒔菊

雷神宅

東坡贈唐道人詩已
外浮名更外身區區

雷雨若為神山頭只作嬰
兒語無限人間失筋人

新婦石

白樂天有新婦
石詩堂堂不語

望夫君四畔無家石作鄰
長掃萬年春雪為輕粉憑風拂霞作烟脂使日譚

莫道面前無寶鑑
月來山下照夫人

望江石

徐疑有詩登巖背山阿
立石秋風裏隱見浙江

山房

洪公用子有韻門巷蕭然雀可羅
東溝水山萬卷自研磨懶尋玉女登西岳甘

伴金僊坐補陀書帶草長塵慮少鉢曇花放道緣
多酒肴問字如相過引道松間不用呵又荅景

揚朝家夕設禮為羅小寄禪窓共講磨紅錦障泥
飛驟裏黃金寶校琢盤陀冰蘂薦飯鄉風古雪汁

烹茶雅道多領取單傳心法去會將佛祖一時呵
再用韻煙霏深處萬山羅閑裏工夫歲月磨上

采緯書乾鑿度下搜雜誌薛延陀手披不厭薰沉
水心悟何妨涉貝多若問尊經閣中事南豐作記

也頂

岸壘山

在縣西二里舊志云岸壘者山之峻貌也峭聳清絕下浸碧溪旁環翠巘遙望天目為醒心豁目傑特之觀東面有石壁高五十丈腰有路可通車馬見於林樾掩映間南北有路登山如徑葉丞相衡為今日有名作小飛來之句山顛有曠軒在崇壽院縣治內外山川之秀屢里之富盡在目擊間舊名昌黎館邑人以令韓瓘為政明允名軒以寓去思又有雙溪疊嶂山南中路舊有懷謝亭久廢

卷之二十六

流

世傳謝安曾遊晉史言安往來臨安嘗亦嘗至此山之北有石塔三旁有古松偃覆如蓋塔北有跨虛亭亭下崖壁數丈有仙人壇殆類鑿成正在石壁險絕處山下出泉乳色而味清有亭覆之名清白泉前瞰浮溪石橋雄跨其上名趙公橋

題詠

平齋洪公送人遊山詩驟暖握芳意薄遊烘輭塵亂山雲氣曉啼鳥杏花春人物少催老

物華新換陳一聲鏗爾瑟沂水綠鱗鱗

浪山

在縣西南三十五里上有三池相接在高崖絕壁間其水奔流如瀑神龍所宅因祠焉今賜名靈應

廟每縣之西南隅雲滂然而興稚葦必譁曰浪山
雨來矣山後有柯相公潭舊志云柯相公自歛泛
舟而下溺於此每陰翳或聞絲竹聲起潭中浪與
山連故名浪山亦名波山有柯相公祠

西菩山

在縣西十三里嘗現菩薩像因以名山九鎖交陳
雙峯對峙明智寺在焉寺前半里許有亭曰轉山
取東坡路轉山腰之句

東山

在縣圃東二百餘步有白雲庵絕頂有山翁亭

記文白雲庵

縣令王日益記曰去縣治餘百步有山橫亘于左上舊有庵曰白雲屋數間西向以僧主之僧亡而守者弗虔一夕而燼唯鐘樓獨存余來為縣之明年鳩財更剏且南其戶仰顧山翁俯瞰東圃峯萼桃源拱揖敷映而井邑塵里之綢繆盡在其下余朝而登望炊烟前後之出沒則曰吾民庶幾有一飽之適歟退而食為之甘夕而登觀燈火遠近之明滅則曰吾民庶幾有室家之樂歟退而寢為之安民情舒戚吏治臧否皆不逃於目擊之頃則是役也豈徒為游觀具哉若夫月上山椒寒光逼人風在木杪琴笙自韻與夫雲獨留而悠曳雨半霽而空濛則又當屬諸登高能賦之流而余則謝未暇

觀山

在縣西北二里有東嶽行祠許遊鍊丹井

甲子山

在縣西北三里上有烽候亭

青山

在縣西二里縣學正對此峯

眉山

在縣北三十里有開化院

響山

在縣北一十六里

馬鞍山

在縣北二十里

金樓山

在縣南二十九里地里志一名霞山

獨角山

在縣西南三十里有梵安寺何滕墓在焉

生僊山

在縣南三十里天師張道陵生於此山之西因以名之今集真觀即其宅基舊名生僊觀山下有鍊丹井尚存

浮玉山

在縣北七里妙樂院山上有石可浮故名浮玉

石柱山

在縣東五里上有石天然成柱高二丈圍一丈古篆十數字

南陽山

在縣東南一里有廣惠行祠無極宮在其左

桃源山

在縣東二里有許遊觀

鳳山

在縣南一里傍有道院

鶴山

在縣東與石柱山相接地出桃味極甘美

咸淳臨安志卷二十六

十三

金鵝山

在縣南一里有寂照寺

地風山

在縣南七里風多自石穴中起

阿頂山

在縣東一十五里舊志云絕頂有越王城

牢山

在縣南三十五里上有龍池

丁峴山

在縣南三十五里



武勇山

在縣南四十七里有常樂寺佛圖澄所創相傳云澄嘗與鄉人習武於此攷之晉史石勒之亂沙門遇害者甚衆澄投勒大將軍郭黑略家亦知兵者也今鄉人歲以上已迎引尚存習武之遺意

馬頭山

在縣南四十五里狀如馬頭上有興福禪寺

閻湖山

在縣南五十里上有龍池濶數丈深不可測雖旱不竭有禱必應每風雨陰雲出焉

白山

在縣南五十三里崖高三十餘丈下臨深潭上有浮石純白山前有廟俗呼為白沙廟或患氣疾浮腫搗石煨服之即愈

流襄山

在縣南五十里舊志云因堯時洪水為名

鑿山

在縣西七里亦巖嶺之類

良梅山

在縣南八十二里

閱武山

在縣北五十里千秋嶺泗洲庵後吳越王錢氏置寨以禦江南李氏因以名焉

咸淳臨安志卷之二十六

咸淳臨安志卷之二十七

山川六

富陽縣

赤松子山

在縣東九里高一百五十丈周回四十里一百步赤松子駕鶴時憩此因得名其形孤圓望之如華

盖又名華盖山一名赤亭山又曰雞籠山

題詠

謝靈運詩宵濟魚浦潭旦及富春郭定山緬雲霧赤亭無淹薄遡流觸驚急臨圻阻參錯

亮乏伯昏分險過呂梁壑游至宜便習兼山費託平生協幽期淪躓因微弱久露干祿請

遊諾宿心漸申寫萬事俱徒龍蟻。正希範詩漁

咸淳臨安志卷之二十七

一

歌發中流鳴鞞嚮杏陣村童忽相聚野老時一望詭怪石異像嶄絕峯殊狀森：荒譙齊浙：寒沙漲藤垂島易陟崖傾嶼難傍信是永幽栖豈徒暫清曠坐嘯昔有委卧治今可尚

西巖山

在縣之北三十里岩有洞洞口有池早晚與潮應石有葛仙翁足指前有煉丹鼎山中有石扣之鏗然人號石鼓世傳有僧坐於岩前一日葛仙翁求其地煉丹僧遂退西岩仙翁丹成上昇僧亦仙去今號日昇里

題詠

樂天詩千古仙居物象饒道丹成熟昇霄岩前宝磬傳松韻洞口靈池應海潮崖折百

花遲日晚鶴歸清夜唳聲遙登臨漸到希夷境手拂行雲渡石橋



小隱山

在縣之北一里三十步為縣治主山陽夏公謝絳
遷居於此子景初景温築書室於山之半今故基
松尚存歷年久山屬於官 淳祐元年 宣葬丞

相李文清公宗勉

題詩

謝絳三詩余近營別墅於小隱岩忽憶癸酉
冬奉詔逆虜使于陳橋驛夢中偶賦及寤寫

在牘背今因岩名知所賦三言前契矣遂足為八
句僕本塵外士功名若毫末因尋小隱園忽見群
芳發昔夢宛可記靈契方茲達會須掛朝纓歸美
岩前月 雙松亭築居喜物外披迺窮本末層阜
繞襟帶澄江見毫髮芬々山蜜熟決々春泉活
梢閃猿隕石躡愁街月坐長百慮寂望遠孤興
何必較萬殊吾自師者達 答梅聖俞問隱聖俞
一幅書問我小隱居小隱詎有異築室數畝餘岩

人感淳臨安志卷二十七

壑不峻粹田園非美腴所欲近止墓歲時未掃除
先人夢讀史尊道本聖徒絕筆于此詩子孫無忽
諸刻石置中堂且使過者趨題榜為服訓義取銘
盤孟後嶺雙松亭徑街何威迂下臨富春渚萬象
生有無東偏作草舍可以施琴壺門前碧塘水萬
木栽荷蕖風未觸香氣長着人衣裾澄水決々流
黍稻可勿枯柔柔及美米種廣莫記株澗草不識
名野禽多異呼坐北易歲晏目與人世疎在昔東
陵侯瓜瓞猶親鋤楊惲謝九列種豆南山隅余嘗
有此志未者安敢誣誅茅寔張本解組當後圖是
時考繫賦從我者誰歟近來傳越名趣尚若不殊
儻聞正樊往不顧升斗諸如君美才具日月升雲
衢安敢預招挽粗自陳其愚。范文正公留題小
隱山書室小徑小桃深紅光隱翠陰是非不到耳
名利本無心笋近饒當戶雲歸半
在林何須聽絲竹山水有清音

胡鼻山

在縣東五里山峭峻下瞰大江路狹而險行者患

之 乾道中令陸楠因邑士謝安頤之請鑿路欄石以護自此往來者以為便 嘉定癸酉令程琚修 嘉定丙子令曾治鳳重修尉陳震為記 寶慶乙酉令趙汝捍補甃易石欄為石壁置庵業名 惠民庵 淳祐戊申令陳寢炎因禱旱立麻源真君祠于山之巔又請撥延壽寺舊額改惠民庵為

惠山延壽寺

記文

陳震記曰邑之東繇東門鋪抵赤松可九里多鑿穹石堆埒為路旁瞰大江巉巖湍險夜

行不禁亡賴之人抵禁肆欺 乾道間邑令陸楠更闢路創石欄建庵守以僧民以為便歲久柱折

欄壞守僧不存行者惴然 嘉定丙子令尹曾公治鳳始增立石柱一百七十根翼以欄植復修其

舊相望不絕葺庵以存僧姦人屏迹又自觀山直抵廟山二十里山行病犖确泥行多溇淖公悉砌

以石版召匠度費悉以委之視其成計尋丈而償其直不任吏不役里長凡為路一千五十二丈逾

月而成與今大參鄭公所砌入京之道相為聯屬端夷廣衍可以久而勿壞矣第石欄干之設以木

為柵迤兵走卒挽船之夫夜過者多竊以為薪易至廢壞非嚴其禁不止舊比掌以里正若縣家加

檢防而時葺之不難也惟後之君子以弘濟為心毋以創不自我而怠焉幸矣

觀山

在縣治之東百餘步一峯高聳橫截大江孫氏嘗於山頂建道觀因得名又號石頭山有亭曰勝覽縣東以水口蕩滉無際以此山為青龍襟抱環合邑賴以立第地屬居民病於樵採會真覺僧質得

之邑令曾治鳳出公帑錢六萬易而屬之官竹木
茂蔚自是邑之形勝改觀焉山有嚴君祠 淳祐
間縣令李迪更創祠宇下有三亭曰耕春曰逸雲
曰虛全山下又立小庵置僧以供洒掃

樟巖山

在縣北五里獨高衆峯巖有樟故名又名橫山世
傳赤松子煉丹之所山有石巖龍藏其中西北有
穴又晴則起霧網緼如陶煙乃雨候也

姥岑山

在縣北二十五里山腹有水沼赤萍生其中山下
有廟俗號爲姥岑王歲旱禱必雨

白龍山

在縣北二十里勢若屏風與姥岑相連山側有小
沼姥岑白蛇往來其上初樵者入山見蛇吐珠捕
而烹食之舉家斃珠後歸里人楊氏數年有羽衣
至其家給取視徑持去楊氏蹤跡之忽不見

貝山

在縣西三十里高三百丈廣七十八里西屬新城
界山頂有湖有蕭史君廟每旱禱必應

胡泐山

在縣西南五十里高三百丈廣一百三十二里上有石樓石城侯景之亂里人姓陸者率鄉鄰保固之全活萬計上有石佛父老傳云澶淵之役嘗見夢於

章聖皇帝後有水旱亦嘗遣使禱焉

亭山

在縣南一十八里高二百丈廣一百五十里晉處士孫文度建亭

陽平山

在縣南一十五里高五十丈廣二十里面大江有

孫鍾墓在焉詳具塚墓門

都輿山

在縣西南四十里高九十丈廣三十五里其狀類馬又名馬山

靈巖山

一名湖南山在縣南三十里高八十丈有仁惠龍

王廟寶山院

釋曇超姓張氏建元末樓錢塘之靈苑山夏嘗講經有一老人來聽門其

姓名曰我非人乃龍也居富春鹿山之下昆弟五人余處其長邇者鄉民耕山逼我居室群龍怒閉膏雨以害田稼今累月矣余不忍民之焦熬也勸督群弟執怒不從聞師道行高妙必能化伏師曰此庵亦要水汝能為吾致之乎老人即於庵前掘掌泉自湧出今彼山有撫掌泉師曰汝發此心

何以加今欲吾往如何龍曰師能往彼設壇戒衆然後浮舟觀山之下講太雲請雨經則雨當降師曰我國願往彼未見信如何龍曰吾當感夢於官民使之迎師次日邑官居民不約同夢遂迎師於靈苑山師離山雨隨注乃就觀山結壇受戒浮舟誦經兩大霑洽群龍復致謝曰欲為師就此建庵朝夕冀聞講演雞籠山可否師曰此近人居我且歸北山汝別卜地龍遂於湖南山巖請師居之山峻師不能陟龍化為白馬載師登巖卓錫以居今石上馬跡存焉巖下有沼四時不枯遇旱祈求擊鼓鳴鏡其水漸生時現諸物或鰻鱧龜魚蜴蜥之類取而禱之無不立應歷歲綿遠感應如初乾道四年縣令陸楠以父老之請聞于上司乞奏諸朝是後縣令樓瀟呂昭亮接續申請至嘉定三年冬賜靈悟大師而龍以仁惠廟為額錫書至縣令程瑛率僚佐合浮屠威儀賓導至于湖南之山先是僧道琳為屋三楹以奉香火至是縣令程瑛復佐其費移舊基創佛廬以承上旨以尉其願

鹿山

鹿山臨安志卷二十七

六

卷

在縣西南五里其狀如鹿世傳有群龍居之興水早為民害因靈巖大師講經化服其孽遂息俗謂

之降龍山

事見靈巖山

屠山

在縣之西南五十餘里世傳有姓申屠結廬以居乃以名其山復以志其里有寺號大雄野史所載禪月以詩見吳越曰一鉗一鉢垂垂老萬水千山得得來王說之館於羅隱之舍隱恨識之晚復以詩遺主有寶劍霜寒十四州之句王謂之曰詩則美矣若能改作四十州當得相見師喟然曰州不

可添詩亦不可改孤雲野鶴何天不可飛耶遂杖錫去之至于山下欣然而止有恠石故庵在寺之

東偏 詳見大雄寺陳剛中所記

記文 陳剛中作記叙屠山之勝有曰峯巒重複端若拱揖應接不暇湍流怪石神刻鬼劃千巧

萬狀中有平田如設萬席挺然僧寺出於林表佳木脩竹左右交翠此申屠剛違新宇之禍申屠晦黨錮之名避地結廬于今千載子孫因家焉支派分衍至百餘室因姓而名其山山之陽復以申屠誌其地又分上下前後焉是山也東揖桐君之廬南望孫君之圃山深林密而無虎豹之藏地僻人稀而無寇盜之患云云

新城縣

北山

在縣北三十里

記文 晁無咎記去新城北三十里山漸深草木泉石漸幽初猶騎行石齒間旁皆大松曲者如

蓋直者如幢立者如人卧者如蚪松下草間有泉沮洳伏見墮石井鏘然而鳴松間藤數十尺蜿蜒如大蛇其上有鳥黑如鵠赤冠長喙俛而啄磔然有聲稍西一峯高絕有蹊介然僅可步繫馬石甯相扶携而上篁篠仰不見日如四五里乃聞雞聲有僧布袍躡履來迎與之語聘而顧如麋鹿不可接頂有屋數十間曲折依崖壁為欄楯如蝸鼠繚繞乃得出門牖相值既坐山風颯然而至堂殿鈴鐸皆鳴二子相顧而驚不知身之在何境也且暮皆宿於時九月天高露清山空月明仰視星斗皆光大如適在人上窻間竹數十竿相摩戛聲切切不已竹間梅棕森然如鬼魅離立突鬢之狀二子又相顧魄動而不得寐遲明皆去既還家數日猶恍惚若有遇因追記之後不復到往往想

見其事也

烏伊山

在縣南五里祥禽鄉高三百二十丈周八十五里

百丈山

在縣南五里太平鄉亦名卓筆峯

題詠

許廣淵詩片雲晴點墨滴露夜揮毫○許仲蔚詩云雲葉間鋪紙煙煤潤酒尖遠疑題塞

鴈高欲篆秋蟾

嶠山

亦名嶠山在縣西二十里新登鄉高二百五十丈周七十里有洞穴深十丈水泓澄旱禱必應

三貝山

在縣東北二十里昌東鄉高三百丈有水池半畝深三尺歲旱祈之應

天柱山

亦名皇甫真君山在縣西十里七賢鄉地名裘塢唐大中間歲旱農父汲水灌田遇一老人云何不往此山下禱於獨角仙人言畢徑去農父追及於餘杭縣界遂口授醮謝各位曰皇甫真君也因名其山歲旱禱多應

仙坑山

在縣西二十里七賢鄉晉咸和中有七仙客圍碁

石上因名山產茶其味特美 咸平元年有獵徒見白鶴三冲天而去石上有碁局未收及獵廻不知所在

烏嵒山

在縣西十五里折桂鄉名苦竹上有龍井禱之應井旁有白鶴仙人祠

釋子山

在縣西北二十里永昌鄉靈耀寺因以名山靈耀今為三學院

果園山

在縣西北一里

黃山

在縣西二里

雲山

在永昌鄉

巧坑山

在七賢鄉

戴家山

在昌西鄉

鄭家山

在廣陵鄉

青巒山

在太平鄉有碧沼寺

成山

在新登鄉有寶乘寺

錦丘山

在縣西五十里南新鄉

瑞應山

在縣西五十三里南新鄉

三九山

在縣西五十一里南新鄉

鷓鴣山

在縣西五十里南新鄉

牢山

在縣西六十三里新安鄉

漁洲山

在縣西六十五里南新鄉中有合龍池或曰合靈池巖上有三池深莫能測竒詭萬狀西又一池者舊言其源與天目龍池通每歲旱禱雨者旁午於道廟在合龍池之前 淳祐九年 賜額曰靈

南山

在縣北三十里廣靈鄉

題詠

許廣淵詩路入青山幾萬重前山行盡路還通小舟棹急巖溪水高柳絮飛堤岸風春物

塔山

在縣

題詠

晁無咎塔山對雨詩山外圓天一鏡開山頭雲起似浮埃松吟竹舞水紋亂坐見溪南風雨來竹枝草履步蒼苔山上孤亭四牖開煙雨濛濛溪又急小蓬時轉碧灘來

龍門山

在縣西七十五里新安鄉上有龍池

鹽官縣

金牛山

在縣東八十三里高三百丈周回一十九里太平

寨宇記昔吳楚間金牛自毗陵奔此山而沒因名

山側有洞或云建炎初黃灣居民多避虜于此

燭之深不可測好事者遊焉則有蛇怪

審山

在縣東北六十五里高五十三丈周回七里三百

步漢審食其墓其間故名有僧崇慧庵基土皆五色有僧智標塔秦王磨劍石有靈池水旱不盈涸

黃山

在縣西南四十里一名越城山高五十丈周回六里二百步其色黃故名

紫微山

在縣東北六十里舊志云唐紫微舍人劉禹錫作刺史行縣至是山望峽石湖因名今半山有碑鐫

紫微山三字

按禹錫未嘗為杭州刺史惟白居易裴夷直自中書舍人出守舊志誤也

題詠

唐顧況詩家在雙峯蘭若邊數聲清磬發孤煙山連極浦鳥飛盡月上青林人未眠 ○楊

恒山

及注臨安志卷二十一

三

楊

題詩野寺孤峯上危樓聳翠微捲簾滄海近洗鉢白雲飛竹影臨經案松花點衲衣日斜登望處湖畔一僧歸 又地勢連滄海山名號紫微景開僧坐久路僻客來稀峽影清相照河流石自圍塵喧都不到安得此志歸 ○朱伯虎詩鑿石開山已幾年半天臺殿聳危巒曉鐘聲向雲邊落夜月光從檻底看野色難藏千里秀松風長占一軒寒老僧此處真佳隱應笑塵勞效小官 ○余弼詩孤峯牢落幾何年臺殿於今插半天已是精籃誇絕微更將寶塔在危巔煙霞色任陰晴變鐘磬聲隨上下傳珍重老僧無別境一生幽趣只山川 ○富臨詩鑿石誅茅四十年稜層寶龕出諸天更逢地勝驚遊客不負身披壞衲田別郡坐看雲散後平湖下壓鳥飛前還知老令忘歸否為惜難移近縣廛

石堆山

在縣東南五十里

尖山

在縣東南六十里

蟹山

在縣東南六十二里

盈山

在縣東南六十二里

花山

在縣東南五十里

菩提山

在縣東六十里山有靈泉

詳見井門

表花山

上有小山

在縣東六十里

贊山

在縣東北七十里

赭山

在縣西南四十五里

巖門山

在縣西南四十里

蜀山

在縣西南二十七里隋書地理志云鹽官縣有蜀山

雷山

在縣西南四十里

昌化縣

唐山

在縣後高二十丈

為縣治
主山

青山

在縣前高二十丈

武隆山

在縣西北一里高五十丈周迴二十里有晉葛洪煉丹井唐天后以山名應圖識分紫溪縣別置武

隆縣

沁華見
郡縣表

晚山

在縣西北十里高一百四十丈周迴三十里晉許游所居山下溪灘號許游灘唐人詩葛井許灘今古傳遠游嘗至於潛採藥遺迹為許游觀其事甚明但今復號灘為洗耳灘又引巢父飲牛為侶號橋為白牛橋蓋因由游二字音同而訛耳

箕山

在縣西北十里神仙所隱

百丈山

在縣西二十里高一千五百丈周廻二十里一名
潛山吳興地志云於潛西有潛山堯時洪水此山
潛水中不沒者百丈因名焉山上有太公澤旁有
王大伯鹽洞或見鹽數十袋曝于洞口就之不見
始疑以為神仙山下兩石對峙高二三丈號秦王
石其二峯並者號雙峯

柳相山

在縣南三十里高一千八十丈周廻一百三十里
東接紫溪縣南入分水縣

千頃山

參寥子有茲山嵯峨冠天半之句上廣千頃有龍
潭蒲葦四密潭中魚金銀色禱雨輒應西有娑羅
巖生娑羅花一株蔚然聳翠初夏開香聞數里海

棠瑞香黃菁徧生山麓

題詠

司馬樵詩瓊葉半開童女頰蔽芽初長小兒

池春水應江潮中起沙鷗數尺高誰謂風雲遠朝
市亂山深處亦波濤欲為龍池游束裝戒葍食
雞鳴天未譙呼兒重蠟屐紫回遡寒溪確犖疲亂
石迢迢萬丈嶺宛轉蒼龍脊山高吐朝氣恍不辨
咫尺俯聽雷雨聲仰逐猿猱跡委蛇度花塢綠靜
草可席喜如出籠檻身輕飛鳥擲不辭雙足躡遠
探蛟龍客傳聞此山頂舊有滄海色爾來三十年
潭湫變枯荻至今應江潮尚浮鷗鷺集至理竟未
解對之空太息不如西湖遊揮篙泛瑤碧○吳珩
詩松檜陰中天月清異花靈草不知名路從瓊液

山前過人在水晶宮上行千尺翠嵐分月色一軒
寒籟動秋聲登臨不厭躋攀峻貪看雲從鳥下生
千頃山中月三黃頂上雲相看無一語今日喜逢
君○淳熙十三年六月中使奉德壽宮命捕金
銀魚新安胡詩云千頃山高六十里上有寒潭
清且泚神龍久向此中蟠作霖肯為蒼生起羣魚
從之時浮沉唵喁光彩歲月深自然形質異凡鬣
或如美玉或如金或青或紅或間色縱使丹青摸
不得幾年潛伏少人知一旦聲名動京國皇家
太平端好奇麟欲效瑞鳳欲儀白環銀甕爭走獻
豈得汝輩藏洿池深山大澤多遺寶紆餘卓犖
皆娟好願移網罟聊一施斲然頭角趨明時

石室山

在縣南四十里巖洞如室

銅坑山

在縣南五十里東接分水南帶淳安西亘績溪其

咸淳臨安志卷二十七

十一

盛

最高峯名銅坑窮絕處有龍池三草木蔭蔽龜蛇

浮游或雲氣籠罩必雨歲旱禱焉

福泉山

在縣西南五十里神龍所居雲出其中則大雨

大明山

在縣西九十里南接嚴州昔悟空禪師所隱今山

下立慧照院

巾子山

在縣西北四十五里

大鵠頭山

在縣西六十里或以爲山類鵠頭或以爲鵠曾棲
止得名勢凌霄漢人不可到惟採藥人結伴携糧
具火信宿上下其中坦平神仙所棲花果人不敢
採有龍池闊三百畝四傍如葑田歲旱人攀緣禱
雨其上

鳳溥臨安志卷之二十七

咸淳臨安志卷之二十八

山川七

巖

城外

虎頭巖

在錢塘門外介于寶巖定業寺後山葛澧錢塘帝

都賦云巖則虎頭

故老傳云此山舊有巖石突出如虎頭吳越王納土後望氣者

云杭州西湖有虎頭山形勝命鑿之

連巖

青林巖

理公巖

玉女巖

已上四處詳見武林山

象鼻巖

佛手巖

已上二處詳見清修寺

餘杭縣

伏虎巖

來賢巖

仙跡巖

已上三處詳見大滌山

臨安縣

虎頭巖

牢山巖

並在縣西一十八里

貴山巖

並在縣西一十五里

龍池巖

朱積巖

並在縣西南二十里

高峯巖

浪嶺巖

東冷水巖

西冷水巖

金城巖

並在縣西三十五里

烽火巖

吳居巖

並在縣東三十里

澁水巖

王會巖

並在縣北十五里

東永安巖

西永安巖

並在縣北二十里東坡游東西巖詩云即謝安東山

長壠巖

石柱巖

並在縣西二十五里

定安巖

在縣西二十五里

於潛縣

芝草巖

響水巖

已上二處詳見天目山

甲子巖

在縣西北三里

太陽巖

在縣西二十五里

雲鶴巖

在縣北四十五里

大明巖

在縣西北三十五里

小明巖

相去大明巖半里

青時巖

烏時巖

白時巖

去小明巖十里三巖皆相望

老公巖

在縣西二十里

安人巖

在縣西十里

巢山巖

在縣北十五里

盧山巖

在縣西北十五里巖頂方丈餘皆甃甃意古廟基也其上時有音樂聲聞里餘久晴聞之則雨久雨聞之則晴村人以時祭之

皇甫巖

在縣東一十五里近平越城舊志云後漢皇甫嵩破妖賊許生于此故名有鑄冶郊壇城寨尚存攷之漢史靈帝熹平元年會稽人許昭聚衆自稱大將軍立父生爲越王攻破郡國遣揚州刺史臧旻丹陽太守陳夤討擊三年十一月大破許生於會

稽斬之及攷皇甫嵩傳止載討黃巾賊張角之事而不及許昭贊中所云雋捷陳穎亦弭于越是時陳國潁川各有賊起朱雋與皇甫共平之釋者云謂平許昭恐是時嵩以功遜雋或討賊之初曾駐兵于此史逸不載亦未可知然三國志孫堅傳乃云妖賊許昌起於句章自稱陽明皇帝注云靈帝紀曰昌以其父爲越王與其子韶扇動諸縣堅以郡司馬募召精勇與州郡同討破之刺史臧旻列上功狀則又與漢史所載不同因併書之

白馬巖

在縣南六十五里允村絕頂有龍池仍有石巖袤百餘丈其色皓白遠視之猶白馬然故耆舊相傳以名其巖

大陽巖

在縣北三十五里寨村東巖獨高峻四圍甃石如小城鄉老言錢氏屯軍于此本不甚衆但數令兵卒更易服色旗幟遶巖頂以張虛勢巖頂平廣十餘畝一池闊四丈深不可測久旱不涸四岸有竹交覆池上鄉民或縱野燒惟此竹獨存遇天色陰雨時有仙樂之音聞一二里間

響水巖

在中子山重峯之內中有一港步履者聞下有水聲泠泠不絕不知流注何處

昌化縣

墨子巖

在縣西南四十里蒲川其高切雲上有室穴坐具樵者曾見野服三四輩環坐石山問侍者云古墨子也

石巖

在佛跡山縣南金山二十五里山前對峙名山雄

卷之二

昌化縣志卷之二

下

峻繇亘自麓至巔一日方到有石鼓石坐石基盤蓋神仙所棲

獅子巖

在縣西五十里山形如獅

嶺

城內外

八蟠嶺

在今大內後

萬松嶺

在和寧門外西嶺上舊夾道栽松樂天夜歸詩

云萬株松廟青山上十里沙堤明月中東坡蠟梅

詩亦有萬松嶺下黃千葉之句今第宅民居高高

下下鱗次擲比

鐵冶嶺

在城內步帥衙左虎翼營之東

紫坊嶺

在城內濇沙坑七官宅側

駱馳嶺

在城內三茅觀之麓嶺下有市俗呼小壩頭

慈雲嶺

在方家峪旁為郊壇有後唐石刻篆書梁單闕之
歲興建龍山至涖灘之歲開慈雲嶺

風篁嶺

在錢塘門外放馬場西路通龍井嶺最高峻 元

豐中僧辯才師淬冶脩篁恠石風韻蕭爽因名曰

風篁東坡嘗詣師師送至嶺上因舉遠公過虎溪

事師笑曰杜子美不云乎與子成二老來往亦風

流遂作亭嶺上名曰過溪亦曰二老坡公賦詩紀

之又探梅詩有問信風篁嶺下梅介亭詩有丹青

明滅風篁嶺之句嶺之巔有龍井

詳見井門

分金嶺

在錢塘縣舊治西南到縣六十里

滕村嶺

在錢塘縣舊治西南到縣五十里

青木嶺

在錢塘縣舊治之西到縣四十里

狗頭嶺

在錢塘縣舊治之北到縣五十里

五嶺

在龍山之北

徐村嶺

一名盪
擦子嶺

在錢塘縣定山北鄉

白塔嶺

在錢塘縣龍山之東

礮馬嶺

在錢塘縣定山北鄉

牛坊嶺

在錢塘縣定山北鄉

牌山嶺

在錢塘縣定山南鄉

大麥嶺

祥符志云在錢塘舊治西南到縣一十五里今與步司右軍寨相連路通放馬場舊多種麥因以名嶺之巔有觀音閣對山有東坡同王渝楊傑張壽元祐五年三月二日遊三竺過麥嶺題名刻石

葛嶺

在西湖之西葛仙翁嘗煉丹于此有初陽臺

高宗皇帝即其地創集芳御園

理宗皇帝以賜今太傅平章賈魏公建第宅家

廟蓋魏公元有別墅在焉詳見行在錄

樓霞嶺一名劍門嶺又曰劍門關

在錢塘門外顯明院之北舊多桃花開時爛然如霞故以名嶺下有岳鄂王飛墓

馳巘嶺

在九里松之東乾道志作馳苑嶺

臙脂嶺

在九里松麴院路之西土色獨紅因以名之

石人嶺一名馮公嶺

在靈隱寺西極高峻有石人卧路旁故名

東墓嶺

在靈隱寺之西去城二十餘里

大青嶺

在東墓嶺之南

郎當嶺

在大青嶺之南

黃泥嶺

在行春橋水竹塢步司前軍寨之南

胡家嶺

在錢塘縣長壽鄉極峭峻頂有石井旱不涸

歌樵嶺

在錢塘縣大慈山塢

石姥嶺

在仁和肇元鄉高五十餘丈

灌肺嶺

在大街清河坊北舊有坡阜今夷爲達路而名尚存

狗兒嶺

在教睦坊內亦夷爲路

臨安縣

金鵝嶺

在縣南一里又名鵝鼻嶺

光錢嶺

在縣南又名青草嶺

錢王嶺

在縣西

平戎嶺

在縣西南二十里又名金嶺

浪嶺

在縣西五十里舊志云嶺上有響洞

龍鬚嶺

在縣西五十里產龍鬚草

於潛縣

巖嶺

在縣北五里五季中錢氏以日者言其地有王氣

命鑿之

浮雲嶺

在縣南二十五里

題詠

東坡作倅捕蝗至浮雲嶺山行疲苦有懷子由第二首西來煙陣塞空虛洒遍秋田雨

不如新法清平那有此老身窮苦自招渠無人可訴烏銜肉憶弟難憑犬寄書自笑迂踈皆此類區

區猶欲理蝗餘霜風漸欲作重陽熠熠溪邊野菊黃久廢山行疲竿确尚能村醉舞淋浪獨眠林

下夢魂好回首人間憂患長殺馬
毀車從此逝子來何處問行藏

竺嶺

在縣南十五里近嘉泰橋

牧嶺

在縣南四十里高五里嶺上有古松一本盤錯奇
怪嘗有兄弟鬩牆欲訟于有司夜行憊其下遲明
辨色相視乃伯仲也遂各悔咎息爭而還因名松
為木長官

龍嶺

在縣北二十五里

青嶺

在縣南二十五里

千秋嶺

在縣北五十里與寧國接壤上有泗洲庵

楊嶺

在縣北三十里東北抵天目山眉山西北達寧國
驛路

梅嶺

在縣北一十五里北抵天目

金門嶺

在縣北二十五里通天目仙源

黃嶺

在縣西二十里地出黃白枇杷亦間出佳茗潛志云枇杷出於黃嶺前烏巾山小錫塘塢者尤珍白色者上黃次之 淳熙間 德壽宮嘗遣人採訪惟烏巾山下汪氏廬前一本實大而味勝歲倍直以酬之

桐嶺

在縣西四十里有古寨基

楊嶺

在縣西三十里

新城縣

青牛嶺

在縣西七十里南新鄉舊名寶福山方丈有東坡

題詩于壁

題詠 東坡詩云暮歸走馬沙河塘青煙裊裊十里香秋行曳杖青牛嶺寒泉咽咽千山靜莫笑

山僧耳聾喚不聞百年俱是可憐人還衝細雨山前去白雲正在題詩處 熙寧七年八月二十五日

昌化縣

龍髯嶺

在縣西南四十里地名蒲川石山莎草厚如茵褥
嶺有廟廟後有石鏡其下有潭亦龍所宅

咸淳臨安志卷之二十八

餘亦屬陳封存不斃其下亦數亦請放
在縣西南四十里地名蒲川石山莎草厚如茵褥



